

增修埤雅廣要

浙江圖書館



浙江圖書館

增修平雅廣要卷第七

人道門

秀水卜世昌男卜不允全校

人紀類

盤古

書

天地混沌如雞子盤古生其中神于天聖于地  
開目為晝閉目為夜萬八千歲天地開闢陽清  
為天天日高一丈陰濁為地地日深一丈盤古  
其中心長一丈一元九變而天極高地極深

極三

于天後左目為日右目

風

江可血為准

草木萬物自此分矣

極肇

極既判天地設位而人乎其

中參之而為三才易曰立天之道曰陰與陽立  
地之道曰柔與剛立人之道曰仁與義蓋人與  
天地並其道流行於宇宙之間未嘗一日泯沒  
也苟人道一日而不立則造化亦幾乎熄矣開  
闢以來由伏羲以至於今上下四千餘年天地  
之所以高厚日月星辰之所以運行山岳河海  
之所以流峙亘古今而無弊者亦以人道立乎

其間實主張是實綱維是此所以能參天地贊  
化育而相為無窮者也則夫負陰抱陽戴天履  
地任三綱五常之寄以為人者其可忽諸

太古

天皇氏以木德王歲起攝提無為而化兄弟十  
一人各一歲萬八千歲地皇氏以火德王兄弟十  
一人亦各一萬八千歲人皇氏兄弟九人分長  
九州凡日二十世合四萬五千六百年八皇  
以有日  
始金燧教人  
食自伏羲畫八卦而文籍始

神農作耒

新稼始立黃帝造律曆而身音

治堯舜

禮而始明凡此以上聖人所

開天地之紀立生人之紀使後之作者有所

持循施及自千萬世綱理變常之道皆由此而

出也

### 皇王



皇大也從自王自始也徐曰自從也故為始也  
今文省作皇大也正也光也美也謂呈之儀煌  
煌而莊盛也皇之為言王也王者天下所歸在  
也黃子曰古之造文者三畫而連其中謂之王

三者天地人也參而通之者王也孔子曰一貫  
三爲王故李陽冰曰王者之王中一畫近上象  
王者則天之義皇王者天下之大君也凡生於  
窳壤之兩間者莫非父天母地之子也然繼承  
天也以統理萬物者則大君也夫大君者握乾  
主坤建中立極窮神知化致和體道明則並於  
日月幽則協於人神化隆寰宇澤被生靈夫然  
後天地位焉物育焉若書所謂三皇五帝是  
也

儒之爲言也。已奮柔體剛克明道藝由修身及  
家國以至八下而後已者也。故曰儒原六  
道。儒教王元素王姓孔名丘字仲尼。聖躬之  
誕生也。曾襄公二十一年十一月庚子。是夕二  
龍繞至五七降庭。母顏氏聞奏鈞天之樂。空中  
有聲云。天感生聖子。故降以和樂。笙鏞之音。旣  
誕而有文。在其胷曰。制作定世符。手握天文足  
履度。字眉有一十二彩目。有六十四理。身長九  
尺二寸。腰大十圍。凡四十九表。坐如龍。蹲立如  
鳳。時望之如仆。就之如昇。明並日月。道隱藝敘。

發龜龍銜負之祕闡七政五緯之蘊孚義農軒  
皇之能具堯舜周公之美攝行相事而四方則  
焉巡派教鐸而天下警焉刪詩書定禮樂修春  
秋繫周易游六藝門徒三千博徒六萬達者七  
十二人昔先聖未誕之時有麟吐御書於闕里  
其下曰水精之子係周衰而素王顏氏異之以  
續繫麟角信宿而去哀公十四年西狩大野  
叔孫氏車  
力商獲獸有繫紱訪於先聖先聖  
歎曰斯麟  
為來哉吾道其窮矣夫時方假  
魯史寓王  
至此而閣筆焉聖年七十有三夢

奠兩楹之

魯葬魯城北泗上哀公十七年

立廟於舊

小陵廟百戶弟子收其衣冠琴

瑟車書以

廟當時弟子及魯人往從家而

家焉者復百有餘室因命其里曰孔里歲時奉

祀永丞相得子孫世襲公不絕繼世而王者累

封聖號曰大成至聖文宣王是爲古今文章之

祖歷代帝王之師由是教覃海宇化洽華夷而

生民倫彛之敘永賴以安春秋釋奠而無窮焉

佛

佛之爲言覺也自利利他自覺覺彼普覺羣生

出諸迷途而登覺岸者也故曰佛原夫大乘教  
主釋迦文佛之示現也周昭王二十四年四月  
八日生西竺刹利王家母摩耶夫人右脇而出  
馬行七步地湧金蓮自然捧足分手指天指地  
作師子吼聲云天上天下惟吾獨尊具三十二  
相八十種妙既長捨位出家入雪山而證無上  
道果降鹿苑而轉四諦法輪壽年八十住世四  
十有九說五經四十八之妙典開八萬四千之  
法門化圖畫以光騰無礙恩覃無際利及無央  
爲人天之

作四生之慈父所謂天上天下

無如佛十方世界亦無比末年告弟子摩訶迦  
葉曰吾以高深法眼涅槃妙心實相無相微妙  
正法今付於汝汝當護持并勅阿難副貳傳化  
無令斷絕及欲涅槃復告摩訶迦葉曰吾將金  
縷僧伽梨衣傳付於汝轉授補處至慈世尊出  
世久矣朽壤腐訶迦葉聞付囑已頭面禮足曰  
善哉善哉我當依勅恭順佛故爾時世尊以涅  
槃故告諸大衆往于黑連河側娑羅雙樹下右  
脇累足泊然宴寂金棺從坐而舉高七多羅樹  
往返空中三昧化火自出荼毘得舍利八斛四

斗卽穆王五十一年二月十五日也自後千年  
教始至中夏漢明帝夜夢金人身長丈六項佩  
日輪飛至殿庭以問羣臣傅毅對曰臣聞西方  
有神其名曰佛陛下所夢將必是乎乃遣中郎  
將蔡愔博士王遵等十有八人西訪其道果得  
其像及經六沙門迦葉摩騰竺法蘭二大士以  
歸洛焉由是其教大興迨今緇檀崇奉所有衆  
生普率皈依利其利而覺其覺者殆將若洹河  
沙之不可算矣

僊

僊之為言也。也合真體道厭凡超俗羽化而遷  
 昇也。故曰僊原夫玄風教主太上老君姓李名  
 耳字伯陽。聖祖之降生也。記稱湯甲十七年庚  
 申。太上自太清常道境乘太陽日精化五色玄  
 黃大如彈丸時。玉女晝寢流入口中吞之而孕。  
 懷八十一歲。至武丁九年庚辰。玉女至李樹下  
 剖左腋誕生。而白首號曰李子。因指其樹曰。此  
 吾姓也。兩耳曼上而垂下。又名曰聃。按聖紀經  
 云。太上老君居太清境。乃元氣之祖宗。天地之  
 根本。於至寂至虛之內。太初太始之先。推數御

運布氣融精開化天地所歷成壞不可量計化  
身周徧亦非算數紀極開闢之後觀世代之澆  
淳代爲帝師隨時施教自三皇而下咸崇奉焉  
是謂天上天下道氣之內皆老君之化蓋百姓  
日用而不知也逮周爲柱下史孔子往問焉爲  
之語曰良賈深藏若虛君子容貌若愚孔子退  
謂人曰旣而駕青牛至函谷關有紫氣浮其上  
關尹喜占其氣而候之爲著道德五千言抵西  
而邁云往崑崙莫知所終後至唐武德中晉州  
人吉善行者於羊角山見白衣老叟呼曰爲吾

語唐天子吾爲老君乃唐祖也高祖因立廟高  
宗追尊玄宗皇帝明宗追尊聖祖高上大道金  
闕玄元天皇帝宋真宗祥符間奉上尊號曰太  
上老君混元上德皇帝

書

士

今天士羣萃而州處閒燕則父與父言義子與  
子言孝其事君者言敬其幼者言悌少而習焉  
其心安焉不見異物而遷焉是故其父兄之教  
不肅而成其子弟之學不勞而能夫是故士之  
子常爲士

工

今夫工羣萃而州處安其四時辨其功苦權節  
其用論比協材旦暮從事施於四方以飭其子  
弟相語以事相示以巧相陳以功少而習焉其  
心安焉不見異物而遷焉是故其父兄之教不  
肅而成其子弟之學不勞而能夫是故工之子  
常爲工

商

今夫商羣萃而州處察其四時而監其鄉之資  
以知其市之賈負任檐荷服牛輶馬以司四方

以其所有多其所無市賤鬻貴旦暮從事於此  
以飭其子弟相語以利相示以貨相陳以價少  
而習焉其心安焉不見異物而遷焉是故其父  
兄之教不肅而成其子弟之學不勞而能夫是  
故商之子而爲商

農

今夫農羣萃而州處察其四時權節其用耒耜  
耨芟及其寒也擊草除田從事於田野脫衣就  
功首戴茅蒲身衣襪襍霑體塗足曝其髮膚竭  
四支之勞以從事於田野少而習焉其心安焉

不見異物而遷焉是故其父兄之教不肅而成  
其子弟之學不勞而能夫是故農之子常爲農

人性類

性理

人之性仁義豐智四德具焉其愛之理則仁也  
宜之理則義也序之理則禮也知之理則智也  
是四者雖未形而其理固根於此則體實具於  
此矣性之中只有是四者萬善皆管乎是焉而  
所謂愛之理者是乃天地生物之心而其所由  
生者也

心性

盡其心者知其性也知其性則知天矣言能盡其心是知此性知此性則知天也蓋天者理之自然人之所由以生者也性者理之全體而人之所得以生者也心則人之所以主於身而具足型者也天大無外而性稟其全故人之本心其體廓然亦無限量惟其梏於形氣之私滯於聞見之小是以有所蔽而不盡人能即事即物窮究其理至於一日會通貫徹而無所遺焉則有以全其本心廓然之體而五行之所以爲性

與天之所以爲天者皆不外乎此而一以貫之矣

性命

夫性命者人物之所同得之理也非惟已有是人亦有是非佳人有是物亦有是但所稟之差爾性有善惡命有吉凶援之以性配之以命受氣有善惡天無可以奈何亦以吉凶之命配之此定命也能盡其性然後知生無所得則死無所喪矣天所性者通極於道氣之昏明不足以蔽之天所命者通極於性遇之吉凶不足以戕

增刊少要卷七  
之不免乎蔽之戕之者未之學也性通乎氣之外命行乎氣之內氣通內外假有形而言爾故思知人不可不知天盡其性然後能至於命知性知天則陰陽鬼神皆吾分內爾天性在人正猶水性之在冰凝釋雖異爲物一也受光有小大昏明其照紉不二也

道德

天地間至尊者道至貴者德而已矣至難得者人人而至難得者道德有於身而已求人至難得者有於身非師友則不可得也已循天下之

理之謂道得天下之理之謂德故曰易簡之善  
配至德道者率性之謂德之爲言得也行道而  
有得於心也百順之謂福至當之謂德德乃福  
之基福乃德之致君子遵道而行無入而非百  
順然後能無方體能無方體然後能無我則與  
天地參矣日新之謂盛德過而不有不凝滯於  
心知之細也浩然無害則天地合德照無偏繫  
則日月合明天地同流則四時合序酬酢不倚  
則鬼神合吉凶天地合德日月合明然後能無  
方體能無方體然後能無我禮器則藏諸其身

用無不利禮運云者語其達也禮器云者語其  
成也達與成體與用之道合大人之事備矣萬  
物皆備於我言萬物皆素有於我也反身而誠  
謂行無不慊於心則樂莫大焉未能如玉不足  
以成德未能成德不足以孚天下修己以安人  
修己而安人不行乎妻子況可愾於天下斯  
正己而不求於人不願乎外之盛者歟

魂魄

淮南子曰天氣爲魂地氣爲魄氣於人生而不  
死而遊散者魂聚成形質雖死而不散者魄

魂陽氣也魄陰神也左氏云物生始化爲魄既  
生魄歸爲魂蓋魂者神也陽也氣也魄者精也  
陰也形也魂氣歸於天體魄復于地是謂氣血  
之精靈身心之精爽也白虎通云魂者沍也猶  
沍沍行休也鬼者迫也猶迫迫著於是矣

動植

凡物之初生氣日至而滋息物生旣盈氣日反  
而游散至之謂神以其伸也反之爲鬼以其歸  
也有息者根於天不息者根於地根於天者不  
滯於用根於地者不滯於方此動植之分也夫

人之生也有先後所以爲天序小大高下相並而相形焉是謂天秩天之生物也有序物之旣形也有秩知序然後經正知秩然後禮行寤則形開而志交諸外也夢則形閉而氣專乎內也寤所以知新於耳目夢所以緣舊於息心斯寤夢之感之所以異也

浙江

增補廣雅要卷第七

增修埤雅廣要卷第八

人道門

秀水卜世且男卜不遲全校

誕生類

感電繞樞生

黃帝公孫姓又曰姬姓名軒轅有熊國君少典子也母見六電繞北斗樞星感而生帝

感星流虹生

少昊母曰女節有星如虹下流女節意感而遂

生少昊

士紀

感瑤光星生

高陽氏母曰景僕爲昌意正妃謂之女樞金天  
氏之末有瑤光之星貫月如虹感女樞幽房之  
宮遂生顓帝

履巨人跡生

書

昔有郃氏女曰姜原爲帝嚳元妃出野見巨人  
跡心忻然踐之而身動如孕者居期而生子以  
爲不祥棄之隘巷馬牛過者皆避不踐徙置之  
林中適會山林多人遷之又棄渠中水上飛鳥  
以翼覆之姜原以爲神遂收養之初欲棄之因  
名曰棄棄爲兒時屹如巨人之志其遊戲好種

樹麻菽及爲成人遂好耕農相地之宜宜穀者  
稼穡焉民皆則之帝堯聞之舉以爲農師天下  
得其利有功封於郟號曰后稷是爲周之祖也

吞玄鳥卵生

初帝嚳次妃簡狄浴于川見玄鳥墮卵而吞之  
遂生契契事唐虞爲司徒教民有功封於商賜  
姓子是爲黃帝之後成湯之祖也

指李樹生

老子母至李樹下而生老子生而能言指李樹  
曰以此爲我姓故後世之李姓者皆原于此也

聞鈞天樂生

先聖之生也母顏氏之房間奏鈞天之樂空中  
有聲云天感生聖子故降以和樂笙鏞之音

神記

空桑中生

圖

列仙傳伊尹母居伊水之上既孕夢神人告曰  
日出水而東走明日視日出水東走十里而顧  
邑盡爲水身化爲空桑有莘氏女採桑得嬰兒  
於桑中命曰伊尹獻其君令庖人養之是爲湯

相

感蛟龍生

漢祖高皇帝堯之後姓劉氏名邦字季沛豐邑中陽里人也母媪息大澤之陂夢與神遇時大雷雨晦冥父太公往見蛟龍其上已而產高祖隆準而龍顏美鬚髯左股有七十二黑子寬大愛人意豁如也

娠十四月生

季昭皇帝名弗陵母鈞弋夫人趙氏娠十四月而生武帝命曰堯母門

感嘉禾生

世祖光武皇帝名秀字文叔長沙定王發之後也生於南頓有赤光照室影如五麟七鳳嘉禾一莖九穗之瑞故名先是有望氣者望舂陵曰氣佳哉鬱鬱葱葱然

輜輶降生

北史武帝諱詰汾嘗畋山澤見輜輶自天而下既至見美婦人自稱天女受命相偶旦日請還曰暮年復會于此言終引去及碁帝至先處果見天女以所生之男授帝曰此君之子也當出

爲帝王語訖而去卽始祖神元皇帝也故時人  
諺曰詰汾皇帝無婦家力微皇帝無舅家力微  
神元帝諱

感蒲花生

梁高祖武皇帝姓蕭氏名衍齊之疎族也母張  
氏見菖蒲生花傍人皆不見吞之已而生衍

感星珠生

桓玄母夜坐見一流星墜銅盆水中忽如二寸  
光珠取吞之孕生玄

感日光生

高麗之先夫餘王嘗得河伯女因閉於室為日  
光隨而照之感而遂孕生一黍卵五升大有一  
男子破殼而生名曰朱蒙

胎孕卵生

徐君宮人有孕生卵弃之有大蒼頡齧卵歸母  
腹煖之生兒宮人取為已子是為偃王

盤瓠中生

高辛氏宮中老婦人耳疾挑之有物如繭以瓠  
盛之以盤覆之有頃化為犬文五色因名盤瓠  
搜神記有犬戎之寇募能得其寇吳將軍首者

當妻以女瓠犬俄嚙人頭詣闕下乃吳將軍首也帝大喜欲報之事未知所宜女聞帝下令不可違信因請行帝不得已以女妻之瓠犬負入南山石室中三年生六男六女其母復以狀白帝於是迎諸子言語侏離帝賜以名山大澤其後滋蔓長沙武陵蠻是也

林擒癭生

黎陽人王德祖家林擒樹生癭大如斗癭爛一孩兒抱胎而出七歲能語因名梵天後改曰志蓋菩薩示化也

藉鷹巢生

寶誌大士卽誌公金陵東陽朱氏婦聞鷹巢兒啼梯樹得之養爲子七歲依鍾山僧出家齊永明中忽着三頂布帽未幾齊武帝崩惠文太子豫章相繼殂年九十三入滅建塔於鍾山

處鶴胎生

楊億祖文逸爲僞唐玉山令億將生文逸夢一道士自稱懷玉山人未幾億生有紫毛被體七尺餘經月乃落又本朝名臣傳云母章氏始生億夢羽衣人自言武夷君托化旣誕則一鶴雛

盡室驚駭貯而弃之江其叔父曰吾聞閼世之人其生必異追至江濱開視則鶴蛻嬰兒具焉體猶有紫毳尺餘旣月乃落

感井水生

白州雙角山下梁氏女有容貌石季倫以珍珠三斛買之飲此井水者誕女多美閭里以美色無益以巨石鎮之邇後雖生女端嚴形體不完

感赤蛇生

南唐李昇本徐氏爲安吉令先是其家有梨一實大如升其父異之因會隣里將共食剖之有

赤蛇在實中俄而蛇走母榻下無所見未幾母  
孕生知誥

感赤虬卒

李義山作李賀小傳云長吉卒時忽書見一緋  
衣人駕赤虬持一版書若太古篆或霹靂石文  
者云當召長吉長吉意不能瀆歛下榻叩頭言  
阿彌老且病賀不願去緋衣人笑曰帝成白玉  
樓立召君爲記天上差樂不苦也長吉獨泣傍  
人盡見之少頃氣絕

宿生類

真宗前身來和天尊

真宗皇帝初名元侃封襄王有舉人楊礪嘗夢至一殿有坐殿上者語之曰我非汝王來和天尊汝王也指示令謁之礪後進士第一人爲襄王府記室旣謁如夢中所見太宗嘗遣相者詣襄王及門而返曰王門廝役皆將相也王可知矣

仁宗前身赤腳大仙

仁宗皇帝名禎母李氏章獻明肅劉皇后子之真宗得皇子已晚始生晝夜啼不止有道人言

能止兒啼召入則曰莫叫莫叫何以當初一笑  
啼卽止蓋謂真宗嘗顙上帝祈嗣問羣仙誰當  
往者皆不應獨赤脚大仙一笑遂命降爲真宗  
子在宮中好赤脚其驗也

徽宗前身大羅天子

欽宗前身玉堂天子

宋二帝之北遊也露處野宿嬪御皆班荆於輦  
下一夕衆寢方熟少帝忽聞兩人相與語其一  
人問曰南朝天子北遊有因果否一人荅曰有  
卽今大帝舊是大羅天子只因聽天主講經生

怠慢心降爲人間天子又毀僧滅佛是以有萬里之行少帝乃玉堂天子亦因怠心未免酬馬足報後復還故處詰朝視之其地乃廢寺也

高宗前身越王錢鏐

宋康王名構徽宗第九子也母韋氏徽宗夢吳越王引御衣云我好來朝便留住我終須還我山河待教第三子來旣而復夢金甲神人自稱錢武肅王卽錢鏐也方其入室已而生構二帝北巡不返王嗣爲帝喪太子勇命選太祖之後得伯琮是爲孝宗皇帝斯亦酬封黃袂章疏之

地雅居要  
卷八  
驗也歟

孝宗前身崔府君

孝宗皇帝初名伯琮宗室追封秀王謚安僖王  
爾之子太祖七世孫也母張氏夢崔府君擁一  
羊來曰以此爲識高宗爲康王出使至磁州磁  
人夢崔府君出迎張氏以是歲丁未生伯琮於  
秀州有嘉禾之瑞小名羊高宗喪太子勇命選  
太祖之後得伯琮鞠宮中賜名瑗音院適與崔府  
君名同封普安郡王秦檜疾其英明而不能害  
也竟立爲皇子賜名瑋封楚王

度宗前身沙彌

宋祚之將終也有道錄伏章云至天遮見諭一沙彌曰與汝十年天子降爲度宗及十年數終帝大漸道錄曰天命不可爲也

侯景前身東昏侯

初侯景母夢東昏侯而生是日誌公侍武帝坐忽響蹙曰陛下寃敵生矣帝默然及景叛魏以州來奔羣臣諫皆不聽帝強納之曰我國家卽金甌相似孰能壞耶後景兵竟逼臺城帝口苦索蜜不至荷荷而崩

蕭登前身許玄度

公河東濟縣人登進士田科應賢良方正官至  
平章事先世名許玄度建越州塔未終而化後  
託梁武之孫姓蕭名登音察因訪曇彥禪師為人  
定觀明其宿因師云許玄度來何暮昔日浮圖  
今如故後眾請師修龍興大殿師云非吾所為  
三百年後自有非衣功德王遂銘之至唐二生  
為裴休果如其言

曾參後身王曾

王曾字孝先益都人父嘗惜故紙字夢元聖携

一童至其家曰汝惜我字今遣曾參爲汝子及  
誕遂銘之既長就學發解南省廷試皆爲首冠  
或戲之曰狀元試三場一生喫着不盡公曰生  
平之志不在温飽卒謚文正

蔡邕前身張衡

後張衡死日蔡邕母始懷孕二人才貌甚類人  
云邕是張衡後身

鄧禹後身范祖禹

范祖禹父夢丈夫被金甲至寢曰吾漢將軍鄧  
禹也祖禹生公遂以名初字夢得温公以傳稱

禹篤行淳備改字淳夫

李白後身郭祥正

郭祥正母夢李太白而生祥正少有詩名梅堯臣曰天才如此真太白後身也

羊祜前身李家兒

晉羊祜字叔子年五歲令乳母取金環乳母曰汝無此物命訪隣人李氏東園桑樹中探得之主人驚曰此吾亡兒所失之物乳母具言之李氏悲惋時人異之謂李氏子即祜之前身也

裴休後身于闐王子

唐宰相裴休留心釋氏精於禪律自言曰不爲俗情所染可以說法爲人每發願世世爲國家弘護佛法後于闐國王生一子手文有裴休二字云

房瑄前身永禪師

宰相房瑄虛真人邢和璞同至一廢寺竹間虛以杖扣地令掘之得瓦瓶中皆婁師德與永公書謂瑄曰省此乎瑄灑然悟其爲智永後身也

東坡前身介禪師

宋五祖玠禪師一目眇見影而悟一日道拾一

地雅履要 卷八  
三子世  
女童畜之及長獻茶有動于中座元忽厲聲云  
方丈火率衆往救之及至師已坐逝座元曰此  
老再來將壞吾教隨亦遷化易身爲佛印師時  
眉山蘇老泉夢一眇目僧至宅乃玠師也是夕  
生子瞻號東坡居士與印師爲方外交語多究  
竟遂成宿昔之好

歸宗後身郭宣

歸宗宣禪師漢州人瑯琊廣照之嗣與郭功甫  
厚善忽一日南康守以事臨之宣令人馳書與  
功甫且祝送書者云莫令縣君見功甫時任南

昌尉書云某更有六年世緣未盡今日不柰抑  
逼何欲託生君家望君相照乃化去功甫得書  
驚喜盈懷中夜其妻夢寐髣髴見宣入臥內不  
覺失聲云此不是和尚來處功甫問其故妻答  
曰所見功甫呼燈以宣書示之果有娠及生卽  
名宣老纔周歲記問如昔

圓澤後身牧豎

江

李源與僧圓澤爲友同至三峽見一孕婦錦襦  
負嬰音英而汲圓澤曰此某托身之所也後十二  
年杭州相見是夕卒而婦人生一子源如期至

地雅屬要卷八  
天竺忽聞川畔有牧童隔水呼源乃圓澤也歌  
曰三生石上舊精魂賞月吟風不要論慙愧情  
人遠相訪此身雖異性常存歌畢舞袖而去

王珉子前身沙門

漏冥記中書令王珉有一胡沙門瞻珉風采曰  
使我後身得付此人作子願亦足矣後珉生一  
子始能言便解外國語及絕域珠其生所未見  
卽識其名咸謂前身沙門也

鮑靖前身李家兒

言鮑靖字太玄年五歲語父母云本是李家兒

九歲墮井死父母訪之皆然

偃月公後身娼女

異人錄惠州一娼女震死於市衢脇下有朱字  
云李林甫以毒虐美權帝命震死此女偃月公  
後身郭元和元年六月也

章敦後身胡雛

金徙宋二帝于五國城去金上京東北千里名  
鶻里暴雷震一牧羊胡雛背書章敦二字

夢生類

夢賜蘭生

左鄭文公有妾曰燕姑夢天使與已蘭蘭有國  
香人服媚之遂生公子蘭生

夢龍據生

文帝諱恒母薄姬夢龍據胷而生帝性恭儉與  
禮義專務以德化民海內富庶斷獄數百幾刑  
措

夢日入懷生

前武帝母王聖后夢日入懷遂生孝武皇帝

夢吞玉生

崔府君祁州鼓城人也父讓世爲巨農純良德

義鄉里推重年將知命未立繼嗣讓與妻虔誠  
禱於北岳是夜夫妻夢一仙童手擎一合詣門  
曰帝賜合中之物令君夫人吞之言訖舉合蓋  
視之見美玉二枚夫妻各吞其一忽然而覺自  
後有娠隋大業三年六月六日降生一子神彩  
秀美異於常人幼而從學日誦千言不窺羣子  
之戲因名子玉凡事過人鄉人咸以爲天賜也

夢賜童生

王朝國夢人領一綠衣童子曰汝有憂民之心  
賜此玉童爲宰相是夕夫人孕生慶之

湘山野錄

夢長庚生

唐李白字太白始生時母夢長庚星入懷而生因以名之長庚卽太白星也

夢玉燕生

開元遺事張說母夢一玉燕飛入懷中因而有孕生說後爲宰相故人有飛燕投懷之句

夢懸鈴生

梁任昉母晝夢五彩旗蓋四角懸鈴自天而降墜其一鈴落懷中心悸因而有孕占曰必生才子遂生昉

夢懷鏡生

梁到漑子鏡母初孕夢懷明鏡因名史

夢獲碁生

李恭伯母夢二道士奕碁戶外往觀之其人取局中一子授焉遂生恭伯

夢彩雲生

徐陵母夢五色雲化為鳳集左肩上已而誕陵寶誌摩其頂曰天上石麒麟也

夢玉筯生

邵康節母李氏夢神人令以玉筯食羹一杯

地雅眉要 卷八  
日當生佳兒後李夫人因山行見雲霞間大黑  
猿有感而孕臨蓐慈鳥滿庭人以爲瑞是生康  
節七歲戲于庭蟻穴中別見大日雲氣往來

夢靈鳳生

南王曇逸母夢靈鳳集身因有娠又聞腹中啼  
聲僧寶誌曰生子當爲神仙宗伯

夢黃龜生

梅聖俞生男前一日夢道士贈龜一枚作詩曰  
夜夢有人衣帔霓水邊授我黃龜兒明朝我婦  
忽在蓐乃生男子實秀眉

夢婦胎生

崔元綜欲娶婦夢人云此非是也君婦始生夢  
中相隨至東京履信坊見一婦人生女云是君  
婦俄所議女暴亡後官至四品年三十八乃婚  
韋涉妹年十九果履信坊居尋勘歲月正所夢  
之日生

定命錄

夢大稱生

唐上官昭容名婉兒母鄭氏方妊夢巨人界大  
稱曰持此稱量天下後內秉機政

史

增修埤雅廣要卷第八

終

北牙履要卷八



浙江圖書館

一

增修埤雅廣要卷第九

人道門

秀水卜世昌男卜不遠全校

異相類

伏羲蛇身

太昊伏羲氏風姓代燧人氏而王蛇身人首始  
畫八卦造書契以代結繩之政制嫁娶以儷皮  
為禮結網罟教佃漁養犧牲以庖厨故曰庖犧  
有龍瑞以龍紀官號龍師

神農牛首

炎帝神農氏姜姓人身牛首繼風姓而立火德

王斲卓音木爲耜揉木爲耒始教耕作蜡祭以赭  
鞭鞭草木嘗百草始有醫藥教人日中爲市交  
易而退

帝嚳自名

帝嚳音谷高辛氏玄囂之子黃帝曾孫也生而神  
靈自言其名代顓頊而立居於亳

蒼頡四目

蒼頡軒皇之史也廣額四目見結繩刻木穴未  
便乃仰觀俯察始爲字時天雨粟鬼夜哭後魏  
武征馬超觀者重沓公儼之曰汝觀曹公邪亦

人也非有四目兩口但多智爾

史

### 堯眉八彩

帝堯陶唐氏伊祁姓或曰名放勳帝嚳子也其仁如天其知如神就之如日望之如雲眉舒八彩母娠十四月而生

### 舜目重瞳



帝舜有虞氏姚姓目有重瞳或曰名重華瞽瞍之子顓頊六世孫也淮南項羽亦重瞳又隋魚俱羅重瞳煬帝忌而誅之史記南唐李煜一目重瞳五代東漢劉旻重瞳

史

### 禹耳三漏

按帝王世紀云鯀納有莘氏臆胷拆而生禹於石紐耳有三漏元和志云禹本汶山廣柔人以六月六日生於石紐村其石緣色古石紐在茂州有故廟今石紐隸石泉軍

### 文王四乳

文王四乳淮南范鎮兄鏹卒有遺腹子在外公徒步求之兩蜀一年乃得之曰吾兄異於人體有四乳是兒亦然驗之果有又唐高祖體有三乳齊王敬則兩腋下生乳長數寸位大司馬

史

晉文重耳

晉公子生駢脇而重耳故其小字曰重耳後霸諸侯是爲文公

老君聃耳

老子生而白首而聃耳字書云聃他甘切耳曼上垂下而無輪郭之謂也世傳遺像多肖之

孔聖駢齒

先聖孔子身長九尺二寸腰大十圍凡四十九表坐如龍蹲立如鳳時望之如什就之如昇眉有一十二彩目有六十四理其頭似堯其額似

舜其項類臯陶其肩類子產自腰以下不及禹

二寸 孔子世傳

漢祖黑子

館

漢祖母寢池上感蛟龍而生隆準而龍顏左股有七十二黑子

圖

漢宣足毛

漢宣帝戾太子之孫也名病已生而足心有毛

昭烈大耳

折

涿郡劉備字玄德景帝中山靖王勝之後也有大志少言語喜怒不形於色手垂下膝能自顧

耳小字大耳兒是爲蜀漢昭烈皇帝

靈王出髭

周靈王諱泄心簡王之子也生而有髭其太子  
晉好吹笙作鳳鳴後至緱嶺仙去

越王烏喙

范蠡遺大夫種書曰越王長頸烏喙可與共患  
難不可與共宴樂乃乘舟遊五湖號陶朱公

晉武髮長

西晉世祖武皇帝姓司馬名炎昭之子懿之孫  
也昭爲晉王議立世子議者以炎髮長委地手

世系履要 卷九  
垂過膝非人臣之相嗣爲王遂卽帝位

晉宣狼顧

晉宣帝姓司馬名懿少有奇才節多大略慨然有憂天下之心魏武聞其有狼顧相使前行令反顧正面向後而身不動

梁武無影

梁武帝項有浮光身轉無影又丙吉爲陳留令有富翁九十取田客女爲妾後生男長子以父年高非其子爭財數年州郡不能決吉至曰吾聞真人子無影老人子亦無影且不耐寒取同

年兒裸試之時初秋此兒獨啼寒及並行日中  
果無影人皆服之

漢書列傳

### 齊高龍紋

齊高帝肩有日月痣徧體隱隱皆龍鱗也

### 隋高角出

隋高祖文皇帝姓楊氏名堅弘農人也相傳爲  
東漢太尉震之後父忠仕魏及周有功封隋公  
堅襲爵堅生而有異宅傍有尼寺一尼歸自鞠  
之一日尼出付其母自抱角出鱗起母大驚墜  
之地尼心動亟還見之曰驚我兒致令晚得天

下

王莽虎吻

王莽虎吻鴟目

太宗目表

李唐太宗文武皇帝名世民幼日有書生見之  
曰龍鳳之姿天日之表其年幾冠必能濟世安  
民書生去高祖使人追之不見乃採其語為名

武后鳳頸

袁天綱謂武后龍瞳鳳頸極貴驗也

史

杜后生齒

晉成帝后杜預女孫少有姿色長無齒有求婚者輒中止及成帝納綵之日一夜齒皆生在位無子二十一年崩先是三吳女子相與簪白花望之如素柰傳言天公織女死爲之着服至是而后亡

章后紅爪

陳武章后手爪長五寸色並紅每有暮功之服則一爪先折

李后崐嶙

晉簡文帝無子令相者閱宮人時李后在織紡

中形長而黑號崑崙相者曰此其人也侍寢生  
孝武

丁嬪赤痣

梁武丁貴嬪有赤痣在臂而體多疣子年十四  
帝納之並失所在史齊明帝脾上赤痣及輔政

江祐勸帝出以示人帝袒語王洪範曰人謂是  
日月相卿幸無洩江祐傳

壽陽梅額

宋武帝女壽陽公主臥含章簷下梅花落額上  
拂不去自後有梅花妝雜五行書

馬婦鎖骨

馬郎婦菩薩也憫陝右人不屬化乃爲美婦賣魚姿貌風韻人求爲姻曰我亦欲有歸不用聘禮但一夕能誦普門品者事之至明誦者二十輩曰女子一身豈配衆等可誦金剛經至日通者猶十數更授法華經三日通者至期獨馬氏令具禮成婚迎之至家婦曰適體不佳少安相見客未散而婦死已壞爛葬之數日有老僧來問所由引至葬所僧以錫撥塚尸已化唯金鎖骨在焉僧以骨挑錫上鈎結皆如鎖狀

釋氏通鑑

麻姑長爪

麻姑至蔡經家指爪長數寸如鳥爪經意其可爬癢忽有鐵鞭鞭其背

郭威雀項

周太祖姓郭氏名威太原人也唐莊宗有宮人柴氏歸其家擇姻一日窺于門見有疾走而過者柴氏大驚問何人告者曰從馬軍使郭雀兒也有雕青在項故有此名柴氏欲嫁之父母不肯曰汝帝左右人歸當嫁節度使奈何嫁此人柴氏堅不嫁他人竟歸威

宋祖香孩

後唐明宗天成元年丙戌每夕於宮中焚香祝  
天曰某胡人因亂為眾所推願天早生聖人為  
生民主明年丁亥宋祖匡胤生於甲馬營赤光  
滿室營中異香一月人謂之香孩兒營少從辛  
文悅學焉

仁宗赤脚

宋仁宗每視朝之暇在宮中好赤脚有道人云  
赤脚大仙也

詳宿生類

后稷鳥翼

地形履要 卷六  
后稷母履巨人之跡而生以爲不祥棄之冰上  
鳥以翼藉覆之姜原以爲神收養之名曰棄是  
爲周之始祖也

徐君卯生

徐君宮人有孕生卯棄之有大蒼頡銜卵歸母  
腹煖之生兒宮人取爲巳子是爲偃王

子文虎乳

楚令尹子文初生棄於夢澤虎乳之楚人謂乳  
穀謂虎於菟故命之曰鬪穀於菟

陸羽鴈翼

陸羽字鴻漸初不知所生有僧見羣鴈以翼藉  
一小兒收養之既長自筮得漸曰鴻漸于陸其  
羽可用爲儀因爲姓名隱茗溪稱桑苧翁嗜茶  
著茶經

隱逸傳

### 因霄重舌

西方因霄國人善笑聲聞百里云彼人兩舌重  
沓又云舌尖倒向喉內

拾遺記

### 弘景方瞳

南史陶弘景年踰八十而有壯容末年一眼有  
時而方仙經云眼方者壽

### 審通三耳

張君房脞說隋董慎為冥府追為右曹錄事仍  
 辟常州張審通為管記慎令作判申天府後有  
 天符來云申甚允當慎乃取方寸肉擘為耳安  
 審通額上曰與君三耳可乎審通復活後數日  
 覺額癢湧出一耳尤聰時人笑曰天有九頭鳥  
 地有三耳秀才亦呼雞冠秀才云

### 成巳缺耳

唐殷成巳位晉州長史初母顏叔父為酷吏所  
 陷顏割左耳許寬及成巳生缺左耳

史

杜又漆眼

晉杜又王羲之目之曰膚如凝脂眼如點漆神  
仙人也

館

姜維十膽

蜀姜維死時剖維腹膽如斗大

李瞻升膽

圖

李瞻為侯景所執破腹見其膽如升焉史

馬良白眉

馬良字季常兄弟五人俱有才名良眉中有白  
毫號白眉先生辟為荊州從事詩語曰馬氏五

常白眉最良

許慎長鬚

許慎字秀良遷尚書鬚下垂至帶號長鬚公

岑本長眉

有胡僧不知幾百歲眉長數寸太白為作歌袁

天綱見岑文本曰學堂瑩夷眉長過目他日文

章冠天下本眉毛覆眼

唐毛若虛傳

姚泓綠毛

一野叟體生綠毛自云我即姚泓也食松栢則

長生

唐逸史

何晏白面

魏何晏面絕白文帝疑其着粉後與湯餅啖之  
大汗出隨以衣自拭色轉皎白帝始信之

語林

元海赤毛

晉劉元海鬚長二尺當心赤毫毛三根三尺六

寸史載記

盧杞藍面

郭子儀病甚遣省不屏姬侍及盧杞至則屏之  
隱几而侍家人怪問其故曰彼藍面鬼色外陋  
內險左右見必笑使後得權吾族無類

黃昌黑痣

後黃昌爲蜀太守初昌婦遇賊流轉入蜀爲人妻其子犯事詣昌自訟云云曰妾本會稽餘姚戴次公女州佐黃昌妻昌驚曰何以識昌對曰昌左足心有黑子常自言當爲二千石昌出足示之相持悲泣還爲夫婦

班超燕頤

音額

班彪字叔皮次子超字仲升幼相者曰燕頤虎頭飛而食肉萬里侯相也明章兩朝征西域集五十餘國封定遠侯

岳飛猿臂

吳太史慈猿臂善射弦不虛路李廣爲人猿臂善射宋岳飛猿臂善射挽弓三百斤皆異藝也

元載鼠目

苗晉卿薦元載李揆曰麀頭鼠目乃求官耶

詠之兔缺

晉魏詠之生而兔缺醫曰可割而補須百日不語笑詠之曰半生不語而有半生亦當療之況百日耶後至征虜將軍

晉魏詠之傳

李嶠龜息

袁天綱相李嶠睡則氣從耳出名龜息必大貴  
壽

杜預蛇吐

晉杜預醉臥嘔吐人竊窺之見一大蛇垂頭而  
吐史

龜年禽語

白龜年樂天子也一日於嵩山東岩遇李白曰  
吾與汝父皆仙矣出一軸素書曰讀此可辨九  
天禽語試之悉驗事文類聚

楊宣雀語

嗜舊傳楊宣爲河南行守有數雀鳴桑樹上宣  
謂吏曰前有覆車粟此雀相隨欲往食行數里  
粟有覆車粟

翁偉馬語

楊翁偉能聽鳥獸之音嘗乘蹇馬之野有放馬  
鳴聲相聞翁偉曰彼放馬者目眇其御曰何以  
知之曰彼罵此馬曰蹇馬此馬亦罵曰眇馬其  
御視之果然

王克論衡

處宗雞語

宋處宗獲一雞着窻間雞作人語與處宗談論

有玄致因此功業大進

令威鶴語

遼東華表柱忽有鶴集其上而人語云云詳見

人化鶴

亞夫餓相

周亞夫爲河南守許負相之曰君後二歲爲侯  
八歲爲將相持國秉政後九年當餓死亞夫笑  
曰旣已貴如負言又何餓死負指其口曰縱理  
入口此餓死法也與鄧通事互看

王顯作繭

文皇戲王顯曰抵死不作繭及文皇登極因奏  
曰今日得作繭耶帝曰卿無貴相朕非爲卿惜  
也曰朝貴夕死足矣帝與三品服其夜卒

朝野  
僉載

### 紹宗蒜髮

慕容紹宗曰吾數年有蒜髮昨來忽盡其蒜盡  
乎未幾投水死

史

### 馬周伏犀

馬周少時袁天綱見之曰伏犀貫腦背若有負  
貴相也岑文本曰周乃鳶肩火色騰上必速貴  
然不能久遂四十而卒

馬祖長舌

馬大師生而舌長舐鼻時謂馬駒踏殺天下人

曇如白足

釋曇如足白於面雖跣涉泥水未嘗沾濕稱白

足和尚 雞跣集

李泌輕身

李泌少時身極輕能於屏風上行既長辟谷導

引骨節節珊然人謂鎖子骨詰僧懶殘殘曰勿

多言領取十年太平宰相 鄭侯家傳

黃門手板

齊恩倖綦母珍之在西州有相手板者云當貴  
每以此言動帝珍之又圖黃門郎帝問西州手  
板何在珍之曰此是黃門手板官何須問帝笑  
又宋庾道愍精相手板山陽王休祐屢以言語  
忤意道愍相其手板曰此乃甚貴然使人多愆  
忤

史

### 黃檗足痣

黃檗運禪師得道之後忽思省侍父母一婆子  
出門問何處師曰江西婆曰我家亦有一子在  
江西多年不歸因借宿請婆親爲洗足師足心

有痣甚大婆失記是其子次日師辭去於三里外與鄉人云吾母不識山僧我但母子一見足矣鄉人報知其母母趕至福清渡師已登舟母一跌而終師亦不回顧但於隔岸秉炬法語云一子出家九族生天若不生天諸佛妄言擲炬火燃兩岸人皆見其母於火焰中轉爲男子身昇空而去後官司改福清渡爲大義渡云

神光換骨

慧可初坐香山八載有神人曰將欲受果何滯此耶翊日頭痛如刺欲治之聞空中曰與師換

骨非常痛也痛癒視頂其骨如五峯秀出

傳燈

### 潘岳俊面

潘岳質美常出婦人投果滿車張載貌醜每出小兒以瓦石擲之委頓而反世之好妍惡媿如此

### 林公醜面

王長史病守門人曰一異人在門王笑曰此必林公也阮光錄曰欲聞其言惡觀其面此則林公之形信醜矣

世說

劉綜欲候司馬徽事同

詳詐誤類

玄妻黓黑

有仍氏生女黓

音軫

黑而甚美光可以鑑名曰玄

妻

左傳昭

方進奇骨

翟方進年十五為小吏運鈍數為掾吏罵辱乃詣蔡父相大奇其形曰小吏有奇骨當以經術進謝病而歸

浙江書館

增修雅廣要卷第九

增修埤雅廣要卷第十

人道門

秀水卜世昌男卜不遺全枝

誕文類

手文武字

周文王少子生手文曰武因以為氏斯武姓之始也

手文虞字

周武王少子生手文曰虞因名曰虞叔成王封于唐是為虞氏之始也

手文友字

左閔成季之將生也桓公使卜楚丘之父卜之  
曰男也其名曰友在公之右間于兩社為公室  
輔季氏亡則魯不昌又筮之遇大有之乾曰同  
復于父敬如君所及生有文其手曰友遂以命  
之

手文王字

隋高祖生而手有文曰王

手文為魯夫人字

宋武公生仲子生文在其手曰為魯夫人故仲  
子歸於我生桓公

曾文卍字

釋迦文佛背負圓光曾題卍字

曾文制作定世符字

宣聖之生也手握天文足履度字曾有文曰制

作定世符五字

餘見家語

舌文八字

通載云梁武帝舌文八字手文武字

手文裴休字

于閬國王生子手文裴休一字聞于中朝其子

弟欲迎之彼國不允而止

背有草付字

孫堅背有草付字合而言之符也識謂讖堅而王者符其姓故秦蒲洪本以蒲生五丈節如竹形因以為氏及其欲應時識也乃改曰苻堅

足有輪文

馬大師足掌有輪文

夢兆類

夢賚良弼

武丁居喪三年不言夢上帝賚以良弼乃使人以形旁求於天下得傳說於版築之間命以為

相真良弼也

夢黃頭郎

夫濯船俱着黃帽者以土勝水也謂之黃頭郎  
文帝嘗夢之及見乃鄧通也遂愛幸之賞賜累  
鉅萬相云當貧餓死帝曰富通者在我乃賜蜀  
銅山得自鑄錢後有罪寄死人家竟如相言

夢見周公

孔子少時欲行周公之道故常夢之及其老也  
嘆曰甚矣吾衰也吾不復夢見周公

夢日遶營

晉王敦反帝自出覘敦軍敦晝夢日環其營驚  
悟曰黃鬚鮮卑兒來耶帝母鮮卑出也亟遣人  
追之不及帝帥諸軍出屯南皇堂夜募壯士渡  
水掩敦兄王含軍大破之敦聞含敗曰我兄老  
婢耳門戶衰世事去矣因作勢起欲自行困乏  
復臥尋卒敦黨悉平發敦屍斬之

### 夢筆點額

北齊文宣將受禪夢人以筆點額王曇哲曰王  
上加點爲王當進也

史

### 夢手捧天

倦游錄韓魏公夢以手捧天者再後果輔英宗  
神宗

夢手捧日

魏崔昱少時夢上泰山以兩手捧日史

夢蛆附尸

唐高祖舉兵夢身死墜牀下爲羣蛆所食智滿  
禪師曰公得天下矣羣蛆共食億兆趨附也紀異錄

夢河去水

宋主有疾夜夢河水乾憂形於色以爲君人者  
龍之相今河無水是不獲水居矣旣而詢諸宰

輔對曰河無水乃可字也陛下之疾痊可矣帝欣然疾果愈

夢木撐天

王敦謀逆夢將一木上破天許真君曰此是未字未可動爾

列仙傳

一曰郭璞

夢菜生墀

宋真宗策士夢殿下菜甚盛與殿基相齊拆卷第一人乃菜齊也

東齋遺事

夢拔羊角

沛公始爲亭長夢逐一羊拔角尾皆落辨者曰

羊去角尾乃王也及送徒咸陽觀警蹕嘆曰大丈夫當如是

夢頭出角

宋鄭獬夢浴於玉龍池視臂生白鱗水影中見頭上生角果狀元及第

夢生羊角

國朝末樂初設科取士廬陵錢舉發解南省皆首冠及將廷試忽夢頭生羊角同年曰頭角崢嶸在此舉矣傍一人曰非也羊角乃解字也恐有解姓者復居首耶及拆殿榜臚傳狀元果解

摺也

夢鷓折翼

武后之將季也夢鷓鷓折兩翼仁傑曰鷓者陛下姓也兩翼陛下子也折翼者是無輔翼也乃有帝房州

夢生八翼

陶侃夢生八翼飛而登天見天門登其八惟一門不得入闔者擊之墜地折其左翼後果都督八州一日如廁見朱衣介幘者謂之曰君當爲公位八州都督言訖而隱

史

夢與帝鬚

宋周必大以燔庫藏咎爲已任免官就謫所往  
辭婦翁翁夢人曰掃雪迎宰相而必大適至時  
必大夢至一所見殿上語曰彼貌雖陋以帝鬚  
與之旣覺而頤癢遂生美鬚後竟居台鼎相者  
詣之莫知所貴良久捋其鬚曰帝王鬚也

夢人剃髭

趙宋李迪美髭髯御試夢剃削俱盡解者曰省  
元是劉滋今替滋矣果狀元及第

夢舌生毛

馬亮知江陵府當代夢舌上生毛僧曰舌上生毛剃不得當再任果然青箱雜記一作馮延巳臨川事

夢人易頭

書

賈弼夢人易其頭遂能半面笑半面啼文房四譜

夢神換頭

蜀遂寧府士人岳某并閬州士人李某祈夢于七曲山梓潼帝君之祠一人者素不相識然所禱皆功名之事岳夢至一室殿見一王者冠冕文上侍衛七八人傍有持簿者岳直前問

曰某前程如何未幾又見李進前亦以前程叩  
之執簿者閱簿覽姓名畢上殿言于王者之前  
忽一人下殿傳旨曰汝二人皆可貴但身與頭  
不相稱必須兩易其頭岳聞之驚恐其人曰汝  
畏換頭無復貴矣言畢忽有一人手持斧鉞引  
岳至廊廡之下須臾又引李至使二人瞑目而  
立竟易其頭夢醒頸間尚有微痛早起僕見其  
面目不似怪之然其聲不改且歷言昨日祈夢  
之故及歸妻子各駭然然問平日家庭之事應  
對皆無舛遂備說夢中換頭之因妻子之心積

安其年領鄉薦明年登科岳調重慶府江源縣  
 主簿李亦登科得簿尉之缺既歸李丁憂岳之  
 任將滿李服除再調亦得江源主簿與岳為代  
 二君雖同時祈夢然各宿不相會面以交代始  
 得相識岳之妻子驚曰李之面與岳之面也  
 李之妻子亦驚曰岳之面與李之面也  
 極勸相與言前日之夢各  
 士以為美記

夢狼啖脚

晉張邈嘗奉使夢狼

浙

真蜀

也飲酒

爲却字後果不行

索統傳

夢邀車駕

宋太祖姓趙字匡胤少時隨辛文悅受學文悅嘗夢邀駕及見却是匡胤至周世宗時管軍務世宗一日在文書裏恰得一木簡上書云點檢作天子此時張永德做點檢世宗遂換永德教匡胤代替後竟受禪

夢人安鼻

徐郎中夢神人携一竹籃其中皆人鼻視徐曰形相不薄但鼻曲而小劓乃於籃中擇一鼻安

之神笑曰好一正郎鼻也徐鼻自爾端直歷官

正郎 括異志

夢蠅集鼻

魏文問管輅曰余夢青蠅數十集鼻上輅曰

鼻如中之山青蠅臭惡之物而集其上位峻

者顛也

人剪舌

夔州道上王朝朗舌長呼字不正忽夢老君剪

其舌既覺語遂正 廣異記

夢人鑿心

尹知章夢人持巨鑿破其心志思開徹遂明六

經本

夢神決脇

唐肅宗吳后夢神介而劍決脇以入燭至其文

隱然生代宗

史

夢換鬼眼

陶穀少時夢數吏云奉符換眼吏求錢十萬安  
第一眼穀不應又云錢五萬安第二眼復不答  
吏曰止安第三眼卽以二丸納入眼中旣覺眼  
深碧後相者曰好貴人骨氣奈一雙鬼眼何必

不至大位

秉異記

夢腹生松

丁固夢松生腹上松字十八公後十八年為公

夢半身熱

南齊車騎將軍張敬兒好信夢初為南陽守妻

夢一手熱為雍州夢一脾熱為開府夢半身熱

敬兒意欲無限謂人曰吾妻將夢通身熱矣齊

主惡殺之

夢撐鐵船

吉水湓塘楊某政和間赴舉馬夢南祠夢神告

云汝欲請舉須待張果老撐船乃可既覺度必  
不舉豈有張果老撐鐵船之理建炎渡江庶事  
草創詔天下貢闈有遭兵火者權就寺觀試而  
吉州通在能仁寺楊某入試置卓於廊廡間坐  
定忽見壁間所畫乃張果老撐鐵船故事心切  
自喜後撤棘果領薦

夢轉銅柱

北齊陽休之夢登大冢見一銅柱跌爲蓮華形  
體休之登柱礎以手捉柱曰柱轉三匝吾至三  
公銅柱遂二匝後竟驗

史

夢青鏤管

梁紀少瑜嘗夢陸陞以一束青鏤管筆授之其  
文因此大進

青箱雜記

夢屋懸刀

王濬夢懸三刀於梁上須臾又益一刀李毅曰  
三刀爲州又益者明府其臨益州乎果遷益州  
刺史

夢與褥席

梁柳慶遠從兄世隆曰吾昔夢太尉以褥席見  
賜吾遂亞台司適又夢以吾褥席與汝汝必光

我門族慶遠果開府史

夢斷盤囊

晉鄧攸夢行水邊見一女有猛獸自後斷其盤囊水邊女是汝字斷盤囊者新獸頭代故獸頭也非汝南當汝陰果遷汝陰守

夢虜脫衣

索充夢虜脫上衣索統曰虜字去其上乃男字也當生男

夢軍執火

座主欲擇榜首而未決夢軍持火乃首名輝者

果符輿論

夢人索錦

江淹嘗夢張景陽曰嘗以匹錦相寄今可見還  
淹探囊中得數尺與之其人怒曰那得割截都  
盡自此淹文章躋矣 本傳

夢人遺墨

王勃夢人遺以負墨盈袖自此文章日進 西陽雜俎

夢吞易爻

虞詡奏曰郡吏陳桃夢臣與一道士布易爻撓  
其二以飲臣臣乞盡吞之道士曰易道在天三

交足矣

夢吞丹篆

韓文公夢人與丹篆一卷吞之傍一人拊堂而笑後見孟郊乃夢中傍笑者

夢吞沙篆

王仁裕好爲詩嘗夢剖腸胃以西江水濯之見沙石皆爲篆籀文因取吞之文思益進因號詩集爲西江集

五代史

夢五色雲

張迥苦吟夢吞五色雲遂精雅道

南唐野史

夢五色筆

江淹夢人授五色筆由是文藻大進後夢郭璞  
曰吾筆可見還探囊中得五色筆還之爾後無  
美句本

夢召書銘

羣仙正草新宮銘坡注云蔡少霞夢人召書新  
宮銘曰紫陽真人山玄卿撰

夢筆如椽

王珣夢人以大筆如椽與之既覺占者曰此當  
有大手筆事俄武帝崩哀冊謚議皆珣所草本

夢筆生花

李白夢筆生花自是才思日進

遺事

夢授二筆

五代唐馬裔孫夜夢神手授二筆後入中書堂

吏奉二筆如夢中所授者

太平廣記

夢昆皆字

杜牧頃於宰執求小代小秋皆不遂夢人曰辭

春不及秋昆脚與皆頭果得北部員外

尚書故實

夢拔馬蘭

後魏爾朱兆謀入洛夢登一高堆拔馬蘭手至

無不盡出故北謂必尅馬蘭莞屬可為席者也  
史

夢乘龍起

龍起擢進士第丁咸未第時夢乘龍而起回顧  
又有駱駝在後及登第次其下者乃龍起駱起  
也

夢先入試

有士子將赴試夢先入場屋撰書已訖而其他  
始至覺而語諸妻喜曰今秋大比之魁焉知擢  
非某耶妻曰非也子不憶曾論曰先進乃第十

一也及撒棘視榜果然

夢夜爲君

有老役夫晝則呻吟卽事夜則熟寐夢爲國君  
覺而曰吾晝爲僕夜爲君何愁

列子

夢占大象

後張茂夢大象問萬推曰象者獸也獸者守也  
若當爲郡然不能善終象有齒焚身皆如其言

史

夢羊踏園

有人常食蔬忽食羊肉夢五臟神曰羊踏破爾

菜園矣

啓顏錄

夢內有人

晉索統明術數宋桶夢內有人着赤衣桶把兩杖極打之統曰內有人乃肉字也朱衣肉赤色也兩杖箸象也極打飽肉食也果驗

夢糞得財

殷浩或曰將涖官而夢棺將得財而夢糞何也浩曰官本臭腐故將官而夢尸錢本糞土故將得錢而夢穢

本

夢食萬羊

李德裕召僧問休咎僧曰公災當萬里南去平生當食萬羊今食九千五百矣公嘆曰吾師至人吾嘗夢行晉山有牧羊者十數迎拜曰此侍郎平日所食羊吾識此夢不洩於人今果如師之說耶然旬日米暨遣使饋羊四百公大驚曰吾不食之僧曰羊至此已爲相公所有矣旬日貶潮州司馬連貶厓州司戶卒

太平廣記

### 夢冰人語

晉令狐策夢立冰上與冰下人語卜曰爲陽語陰媒介士也冰泮而婚成會太守田豹因策爲

子求張公徵女仲春成婚

夢占失禾

後蔡茂夢取得中穗禾復失之郭喬卿曰禾失  
爲秩失之得祿秩也旬日徵爲司徒史

夢王擲門

李盛作安南守夢人以王擲於門盛曰閏字也

夢遊仙府

張亶熙寧中夢行仙府中聞天風海濤聲振林  
木徐見海中樓闕金碧瓊瑤琅琅者數百人揖  
亶出紙請賦詩細視筆硯皆碧玉色且戒之曰

此間文章要似隱起鸞鳳與織女機杼分巧過  
是乃人間語耳亶成一絕云天風吹散赤城霞  
染出連雲萬樹花誤入醉鄉迷去路傍人應笑  
忘還家有仙人曰子詩絕佳未勉近凡酌酒一  
杯極甘寒忽覺身墮萬仞山而覺

夢到瑤臺

許澶暴卒三日醒作詩云曉入瑤臺露氣清坐  
中惟見許飛瓊塵心未盡俗緣在十里下山空  
月明復寐改第二句云天風吹下步虛聲曰昨  
夜夢到瑤臺有女三百餘人一云是許飛瓊令

改二句不欲世間知有我也

逸史

夢兩匹絹

宋沈慶之年八十夢人以兩匹絹與之曰此絹足度寤曰今年不勉矣兩匹八十尺也

夢白中炊

王生善卜賈客張瞻將歸夢炊白中生日君歸不見妻矣白中炊是無釜也

雜俎

夢歲在辰

鄭玄夢孔子告之曰起起今年歲在辰明年歲

在巳

云云

知命當終也讖云歲在龍蛇貴人嗟

本

夢是因想

衛玠嘗問樂廣夢廣云是想玠曰形神所不接而夢豈想耶廣曰因也玠思之經月不得遂成疾廣爲剖析卽愈

史

書

鷓夢鷓搏

開元中嶺南獻白鷓鷃呼雪衣娘上令以近代詩詞授數徧卽誦上與諸王及貴妃博戲上稍不勝左右呼雪衣娘必飛入局中鼓舞以亂其行列或啄嬪御及諸王手忽一日語曰雪衣娘昨夜夢爲鷓鳥所搏將盡於此乎上使貴妃授


以多心經記誦精熟若懼禍難有所禳者後為  
鷹搏之死瘞於苑中呼鸚鵡塚

三夢芻狗

魏周宣善占夢有人三夢芻狗其占不同皆驗  
宣曰芻狗祭神之物故始夢云當得美食祭訖  
則為車所轢故中夢云當折車脚其後必以為  
薪故後夢云當失火也

史


浙



浙江圖書館




浙江圖書館



浙江圖書館



浙江圖書館



增修埤雅廣要

汪圖書館



浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black